



Tužilaštvo/Tužiteljstvo Brčko distrikta Bosne i Hercegovine  
Тужилаштво Брчко дистрикта Босне и Херцеговине  
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: [jtbd@jtbd.ba](mailto:jtbd@jtbd.ba)  
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: [jtbd@jtbd.ba](mailto:jtbd@jtbd.ba)

Broj: A- /2019  
Brčko, 18.4.2019.godine

## SAOPĆENJE ZA JAVNOST

### **Pritvor za P.A. (36) // Pod istragom za izazivanje opće opasnosti i druga krivična djela Na prijedlog Tužilaštva Brčko distrikta BiH osumnjičenom jednomjesečni pritvor**

Postupajući po prijedlogu Tužilaštva Brčko distrikta BiH nadležni sud u Brčkom odredio je jednomjesečni pritvor prema P.A. (36) zbog sumnje da je 13. aprila u naseljenom mjestu Gornji Brezik pucanjem iz automatske puške, iz vozila u pokretu, izazvao opću opasnost. Pored ovog i krivičnog djela nedozvoljenog držanja oružja ili eksplozivnih tvari, sumnja se da je P.A. počinio i nasilje u porodici, te je pritvoren zbog opasnosti da bi ga mogao ponoviti, ukoliko bi ostao na slobodi i uništiti ili sakriti dokaze važne za krivični postupak.

Pošto je lišen slobode i doveden pred tužioca osumnjičeni je ubrzo ispitan gdje je ocijenjeno da postoje razlozi da mu se odredi pritvor u trajanju od jednog mjeseca. Osnovni sud Brčko distrikta BiH u cjelosti je prihvatio prijedlog Tužilaštva, te je rješenjem odredio pritvor osumnjičenom u predloženom trajanju.

Po određivanju pritvora u ovom slučaju Tužilaštvo u saradnji s Policijom Distrikta nastavlja intenzivnu istragu usmjerenu na daljnje prikupljanje dokaza o krivičnim djelima: *Nasilje u porodici* (iz člana 218 stav (3) Krivičnog zakona Brčko distrikta BiH), *Izazivanje opće opasnosti* (iz člana 317 stav (1) Krivičnog zakona) i *Nedozvoljeno držanje oružja ili eksplozivnih tvari* (iz člana 365 stav (1) Krivičnog zakona Brčko distrikta BiH).

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

GLAVNI TUŽILAC

**ZEKERIJA MUJKANović**